

COV NYIAJ PAB KEV TUAV POV HWM KEV POOB HAUJ LWM

YAM UAS KOJ YUAV TSUM PAUB

Phau Ntawv No Qhia Txog:

- » Cov ntaub ntawv tseem ceeb hais txog cov cai teeb tseg rau kev muaj cai tau txais uas yuav tsum muaj raug raws txoj cai thiaj tau txais cov nyiaj pab Kev Tuav Pov Hwm Kev Poob Hauj Lwm.
- » Qhov lus qhia ib kauj ruam rau ib kauj ruam hais txog txoj hauv kev txheeb xyuas rau cov nyiaj pab Kev Tuav Pov Hwm Kev Poob Hauj Lwm yam tsis tu ncuia.



www.edd.ca.gov



Koj tau txais phau ntawv me no vim yog koj xa ib daim ntawv thov rau cov nyiaj pab kev poob hauj lwm nrog rau Lub Tuam Tsev Hauj Lwm Txog Kev Tsim Kho Kev Ua Hauj Lwm (Employment Development Department, EDD). Koj daim ntawv thov yeej siv tau rau txhua xyoo, pib txij hnub Sunday ntawm lub vij uas koj xa. Phau ntawv no yuav qhia kom koj nkag siab txog tus txheej txheem kev thov, thaum twg tuaj yeem them cov nyiaj pab, thiab koj cov luag hauj lwm thaum txheeb xyuas rau cov nyiaj pab.

Lub khoos kas kev poob hauj lwm, uas tau txais peev nyiaj pab yam txwm nkaus los ntawm cov tswv hauj lwm, muab kev hloov pauv nyiaj nqi ua hauj lwm ib feem rau cov neeg ua hauj lwm uas poob lawv txoj hauj lwm thiab muaj raug raws li lub khoos kas cov cai teeb tseg rau kev muaj cai tau txais nyob rau txhua tej lub vij uas lawv txheeb xyuas rau cov nyiaj pab.

➲ Cov Cai Teeb Tseg Rau Kev Muaj Cai Tau Txais Theem Pib

Txhawm kom muaj qhov kev thov uas siv tau thiab muaj cai tau txais cov nyiaj pab kev poob hauj lwm, koj yuav tsum muaj raug raws li txoj cai teeb tseg rau qhov nyiaj txiag ntawm kev ua hauj lwm thiab tau txais nyiaj nqi ua hauj lwm tsawg nyob rau hauv 18 lub hli dhau los. Dhau li ntawd lawm, koj yuav tsum muaj raug raws li cov cai teeb tseg rau kev muaj cai tau txais txuas mus no uas teeb tseg los ntawm xeev txoj cai lij choj:

- **Tau poob hauj lwm yam uas tsis yog koj tus kheej ua txhuam cai.** Yog tias koj raug ntiaj tawm los sis tshem tawm los ntawm koj txoj hauj lwm kawg, tawm koj txoj hauj lwm kawg, los sis tso tseg koj txoj hauj lwm vim yog kev cuam tshuam los sis kev tawm tsam fab kev lag luam, koj yuav tsum muaj kev teem caij rau kev xam phaj hauv xov tooj.
- **Tseem ua tau thiab yeej khoom ua hauj lwm kawg.** Koj yuav tsum tuaj yeem tuaj ua hauj lwm kiag ntawm tus kheej thiab khoom tuaj mus ua hauj lwm. Nyob rau hauv cov xwm txheej feem ntau, koj yuav tsum ua hauj lwm puv sij hawm. Yog tias koj tsis tuaj yeem los sis tsis khoom ua hauj lwm puv sij hawm, koj yuav tsum tau teem caij rau kev xam phaj hauv xov tooj.
- **Txaus siab los lees txais txoj hauj lwm uas phim.** Koj yuav tsum txaus siab lees txais txoj hauj lwm nyob rau hauv koj txoj hauj lwm raws cai. Yog tias koj tsis kam lees koj txoj hauj lwm, ces koj yuav muaj kev teem caij rau qhov kev xam phaj hauv xov tooj.
- **Npaj txhij nrhiav hauj lwm ua tas li.** Koj yuav tsum tshawb nrhiav hauj lwm tas li. Tej zaum kev nrhiav hauj lwm yuav suav nrog kev txuas lus rau cov tswv hauj lwm hais txog txoj hauj lwm kiag ntawm tus kheej, los ntawm kev xa ntawv, los ntawm xov tooj, los sis nyob rau hauv Is Taws Nem. Dhau li ntawd lawm kuj tshawb nrhiav cov hauj lwm hauv Is Taws Nem, ntawv xov xwm, los sis lwm cov ntawv nthuav tawm, thiab kev txuas lus rau cov tswv hauj lwm ua ntej hais txog cov kev thov hauj lwm. Yog tias koj tsis tau nrhiav txoj hauj lwm nyob rau ncua sij hawm ib vij, koj yuav muaj kev teem caij rau kev xam phaj hauv xov tooj.

➲ Cov Kev Xam Phaj Hauv xov Tooj, Cov Kev Txiat Txim Txog Kev Muaj Cai Tau Txais, thiab Cov Cai Kev Thov Kom Rov Qab Txiat Txim Dua

Yog tias muaj lus nug txog koj li kev muaj cai tom qab koj tau xa daim ntawv thov kev poob hauj lwm, ces koj yuav muaj kev teem caij rau kev xam phaj hauv xov tooj nrog rau tus sawv cev EDD txhawm rau txiat txim seb koj puas muaj cai tau txais cov nyiaj pab. Koj yuav xa Cov Ntawv Ceeb Toom Txog Kev Xam Phaj Kev Muaj Cai Tau Txais Cov Nyiaj Pab Kev Tuav Pov Hwm Kev Poob Hauj Lwm, (DE 4800), nrog rau hnub tim thiab lub sij hawm kev xam phaj. Tus sawv cev EDD yuav hu koj thaum hnub tim thiab lub sij hawm xam phaj uas tau teem tseg.

Yog tias peb txiat txim tias koj tsis muaj cai tau txais cov nyiaj pab, koj yuav xa Daim Ntawv Ceeb Toom Txog Kev Txiat Txim, DE 1080, nrog rau cov laj thawj uas koj tsis kam lees cov nyiaj pab, thiab Daim Foos Kev Thov Kom Rov Qab Txiat Txim Dua, DE 1000M. Yog tias koj tsis pom zoo nrog qhov kev txiat txim, ces koj yuav muaj cai los thov kom rov qab txiat txim dua rau qhov kev txiat txim thiab muaj ib lub rooj taug xyuas kev ncaj ncees ua ntej tog neeg thib peb, Tus Kws Txiat Plaub Ntug Fab Kev Cai Lij Choj Txog Kev Kav Tswj uas muaj kev ywj pheej los ntawm Xeev California Pab Pawg Thawj Coj Cov Kev Thov Kom Rov Qab Txiat Txim Dua Txog Kev Tuav Pov Hwm Kev Poob Hauj Lwm (California Unemployment Insurance Appeals Board, CUIAB). Ua kom tiav thiab xa Daim Foos Kev Thov Kom Rov Qab Txiat Txim Dua, los sis ib tsab ntawv uas muaj koj lub npe, tus nab npawb Xaus Saus (SSN), thiab lub laj thawj tias vim li cas es koj thiab li tsis pom zoo nrog qhov kev txiat txim, nyob rau hauv 30 hnub tom qab hnub tim xa Daim Ntawv Ceeb Toom Txog Kev Txiat Txim mus rau qhov chaw nyob ntawm daim ntawv ceeb toom.

➲ Kev Tswj Koj Daim Ntawv Thov nrog rau UI OnlineSM

Thaum koj xa koj daim ntawv thov, koj tuaj yeem siv UI OnlineSM 24 teev rau ib hnub, 7 hnub rau ib vij, txhawm rau txheeb xyuas rau cov nyiaj pab, tau txais koj daim ntawv thov thiab cov ntaub ntawv kev them nyiaj tshiab tshaj plaws, rov qhib ib daim ntawv thov uas muaj, tshab xyuas cov kev teem caij, rov teem caij cov kev xam phaj hauv xov tooj, thiab ntawv yam ntxiv!. Dhau li ntawd lawm koj yuav tau txais cov ntaub ntawv ceeb toom tseem ceeb xws li cov kev ceeb toom txhawm rau lees paub cov nyiaj pab. Txhawm kom yooj yim, UI OnlineSM yog muaj rau hauv xov tooj kov iav thiab cov neeg siv thev lev. Txhawm rau kawm paub ntxiv los sis nkag mus rau hauv koj tus as khauj, mus saib UI OnlineSM ([edd.ca.gov/
UI_Online](http://edd.ca.gov/UI_Online)).

⇒ Kev Lees Paub Cov Nyiaj Pab Txaas Mus Ntxiv

Tom qab koj xa daim ntawv thov kev poob hauj lwm, koj yuav tsum lees paub txhua ob vij tias koj tab tom muaj raug raws li cov cai teeb tseg rau kev muaj cai tau txais txhawm rau them cov nyiaj pab. Peb yuav xa Daim Foos Ntawv Thov Txaas Mus Ntxiv ua daim ntawv rau koj, (DE 4581), rau koj txhawm rau lees paub los ntawm kev xa ntawv, tab sis peb xav kom koj lees paub hauv oos lais uas siv UI OnlineSM (edd.ca.gov/UI_Online) vim yog nws yog ib txoj hauv kev yuav los lees paub ceev, yooj yim, thiab muaj kev nyab xeeb. Tej zaum koj yuav lees paub los ntawm xov tooj uas siv EDD Tele-CertSM ntawm 1-866-333-4606.

Tseem ceeb: Rau qhov kev lis hauj lwm ceev zog, xa koj cov ntawv kev lees paub Yam uas ncav sij hawm nyob rau hauv 14 hnub tom qab "ua tiav thiab xa daim foos no rau" hnub tim uas tau nthuav qhia nyob rau hauv koj daim foos ntawv thov. Lees paub ua ntej los sis lig tuaj yeem tsim ua rau qee los sis tsis kam lees koj cov kev them nyiaj pab.

Cim tseg, yog tias tus tswv hauj lwm muab daim foos ntawv thov lb Feem los sis Kev Sib Koom Ua Hauj Lwm rau koj rau koj txhawm ua kom tiav thiab xa rau peb, ces koj yuav tsis tuaj yeem lees paub hauv oos lais los sis los ntawm xov tooj; txawm li cas los xij, tej zaum koj tseem yuav siv cov Yam ntxwv kev pab cuam tus kheej uas muaj nyob rau hauv UI OnlineSM thiab los ntawm xov tooj.

Yog tias muaj raug raws li cov cai teeb tseg rau kev muaj cai tau txais, yuav muaj kev tawm qhov kev them nyiaj pab ua ntej tau txais daim ntawv pov thawj. Yog tias koj tsis tau qhov nyiaj uas them nyob rau hauv 10 hnub tom qab kev lees paub rau cov nyiaj pab, tej zaum yuav tau txais vim yog muaj lus nug txog koj li kev muaj cai tau txais thiab tej zaum koj yuav tau txais ib *Daim Ntawv Ceeb Toom Txog Kev Xam Phaj Kev Muaj Cai Tau Txais Cov Nyiaj Pab Kev Tuav Pov Hwm Kev Poob Hauj Lwm*, (DE 4800).

Kev Ua Kom Nkag Siab Txog Cov Lus Nug Uas Tau Nug Thaum Lees Paub Rau Cov Nyiaj Pab Txaas Mus No

Ntu no yuav pab koj ua kom nkag siab txog cov lus nug uas tau nug thaum lees paub rau cov nyiaj pab UI. Peb yuav siv koj cov lus teb los txiav txim koj li kev muaj cai ib vij ib zaug rau cov kev them nyiaj pab. Teb txhua cov lus nug kom muaj tseeb tiag thiab kom raug txhawm rau zam kev dag ntxias UI. Rau cov ntaub ntawv kev paub ntxiv txog kev dag ntxias UI, saib Kev Tiv Thaiv Kev Dag Ntxias Nyiaj Pab nyob rau hauv nplooj 6. Hloov kev xa daim foos ua daim ntawv, koj tuaj yeem lees paub uas siv UI OnlineSM ntawm www.edd.ca.gov/UI_Online los sis EDD Tele-CertSM ntawm 1-866-333-4606 rau qhov kev lis hauj lwm ceev zog. Yog tias koj lees paub rau cov nyiaj pab uas siv *Daim Foos Ntawv Thov Uas Tau Ua Txaas Ntxiv*, DE 4581 ua daim ntawv, ces ua tib zoo tshab xyuas daim foos txhawm rau kom ntseeg siab tias yeej tau teb txhua cov lus nug rau txhua tej lub vij nyob rau hauv daim foos thiab tias tau rau npe rau daim foos lawm.

LUS NUG 1: Puas yog koj mob dhau los sis raug mob thaum mus ua hauj lwm?
 Yog tias yog, ntaus nkag cov hnub (1 txog 7) koj tsis tuaj yeem ua hauj lwm.

Teb tias "Yog" Yog tias:	Koj tsis tuaj yeem ua hauj lwm vim yog muaj mob los sis raug mob. Los sis, koj pib txoj hauj lwm qee vim yog muaj mob los sis raug mob.
Teb tias "Tsis Yog" Yog tias:	Koj tuaj yeem tuaj hauj lwm lwm kiag txhua hnub ntawm lub vij yog tias koj muaj ib txoj hauj lwm los sis yuav pib ib txoj hauj lwm tshiab.
Cov ntaub ntawv qhia meej:	<ul style="list-style-type: none">Koj yuav tsum muaj kev noj qab nyob zoo txaus txhua hnub ntawm lub vij txhawm kom tau txais cov nyiaj pab kev poob hauj lwm.Tau them cov nyiaj pab saib raws li cov hnub uas koj tuaj yeem ua hauj lwm nyob rau ncua sij hawm lub vij no. Yuav tau tko koj cov nyiaj pab ib-xya rau txhua tej hnub uas koj tsis tuaj yeem ua hauj lwm vim yog muaj mob los sis raug mob.

LUS NUG 2: Puas yog muaj tej lub laj thawj (tsis yog muaj mob los sis raug mob) uas koj tsis tuaj yeem lees txais kev ua hauj lwm puv sij hawm nyob rau txhua tej hnub ua hauj lwm?

Teb tias "Yog" Yog tias:	Koj tsis tuaj yeem lees txais kev ua hauj lwm kiag tam sim ntawd rau txhua tej lub laj thawj, xws li kev tsis saib xyuas me nyuam, kev tsis muaj kev thauj mus los, kev saib xyuas tus neeg hauv tsev neeg uas mob, txoj lag luam ntiag tug, los sis nyob rau hauv kev so.
Teb tias "Tsis Yog" Yog tias:	Koj npaj txhij thiab txaus siab los lees txais txoj hauj lwm uas thooj li koj cov kev txawj txog kev ua hauj lwm los sis keeb kwm tus kheej fab kev kawm. Yog tias muaj ib txoj hauj lwm, tsis muaj ib yam dab tsi uas yuav tsis pub koj lees txais txoj hauj lwm ntawd.
Cov ntaub ntawv qhia meej:	<ul style="list-style-type: none">Koj yuav tsum muaj kev noj qab nyob zoo txaus txhua hnub ntawm lub vij txhawm kom tau txais cov nyiaj pab kev poob hauj lwm.Tau them cov nyiaj pab saib raws li cov hnub uas koj tuaj yeem ua hauj lwm nyob rau ncua sij hawm lub vij no. Yuav tau tko koj cov nyiaj pab ib-xya rau txhua tej hnub uas koj tsis tuaj yeem ua hauj lwm vim yog muaj mob los sis raug mob.

LUS NUG 3: Puas yog koj nrhiav hauj lwm ua?

Teb tias "Yog" Yog tias:	Koj tau nrhiav hauj lwm nyob rau lub vij no. Kev nrhiav hauj lwm suav nrog kev txuas lus rau cov tswv hauj lwm hais txog txoj hauj lwm kiag ntawm tus kheej, los ntawm kev xa ntawv, los sis los ntawm xov tooj, los si nyob rau hauv Is Taws Nem. Dhau li ntawd lawm tej zaum nws suav nrog kev tshawb nrhiav cov hauj lwm hauv Is Taws Nem, cov ntawv xov xwm, los sis lwm cov ntawv nthuav tawm, kev txuas lus rau cov tswv hauj lwm ua ntej hais txog cov kev thov hauj lwm, thiab kev xa cov ntawv thov hauj lwm. Yog tias koj yog ib tug tswv cuab ntawm lub koom haum, ces koj tsim nyog teb tias "yog" rau qhov lus nug no yog tias koj tau tso npe rau hauv koj lub koom haum los sis tau ua tau li lub koom haum cov cai teeb tseg rau kev tshaj tawm thiab kev tsis sib haum xeeb.
Teb tias "Tsis Yog" Yog tias:	Koj tsis txuas lus rau tej cov neeg ua hauj lwm, xa tej cov ntawv nthuav tawm, los sis tshawb nrhiav txoj hauj lwm nyob rau ncua sij hawm tag nrho lub vij. Yog tias koj yog ib tug tswv cuab ntawm lub koom haum, ces koj tsim nyog teb tias "tsis yog" rau qhov lus nug no yog tias koj tsis tau tso npe rau hauv koj lub koom haum los sis tau ua tau li lub koom haum cov cai teeb tseg rau kev tshaj tawm thiab kev tsis sib haum xeeb.
Cov ntaub ntawv qhia meej:	<ul style="list-style-type: none"> Koj tsis tas yuav xa koj cov ntaub ntawv sau tseg txog kev tshawb nrhiav txoj hauj lwm txhua tej lub vij, tab sis koj tsim nyog ceev cov ntaub ntawv sau tseg uas muaj kiag tam sim yog tias peb thov rau koj cov ntaub ntawv kev tshawb nrhiav txoj hauj lwm. Ua raws li cov lus qhia kev tshawb nrhiav txoj hauj lwm nyob rau hauv <i>Daim Ntawv Ceeb Toom Txog Khoom Plig Kev Tuav Pov Hwm Kev Poob Hauj Lwm</i>, (DE 429Z). Yog tias koj xaiv los lees paub uas siv daim foos ua daim ntawv thiab tau kos cim rau lub npov uas muaj "X," tag ntawd ces koj yuav tsum ua kom tiav Ntu B, Cov Ntaub Ntawv Sau Tseg Txog Kev Nrhiav Hauj Lwm, nyob rau sab nraub qaum ntawm daim foos.

LUS NUG 4: Puas yog koj tsis kam lees tej txoj hauj lwm?

Teb tias "Yog" Yog tias:	Koj tsis kam lees txoj hauj lwm uas phim los ntawm tus tswv hauj lwm nyob rau ncua sij hawm lub vij no. Yog tias koj yog tus tswv cuab ntawm lub koom haum thiab koj tsis kam lees kev qhia txoj hauj lwm ntawm lub koom haum, teb tias "yog."
Teb tias "Tsis Yog" Yog tias:	Koj tau tsis kam lees tej txoj hauj lwm nyob rau lub vij no. Qhov no txhais tau tias koj tsis tau txais kev pom zoo ntawm txoj hauj lwm, los sis koj tau txais kev pom zoo thiab lees txais txoj hauj lwm ntawd.
Cov ntaub ntawv qhia meej:	<ul style="list-style-type: none"> Koj yuav tsum txaus siab lees txais txoj hauj lwm uas phim txhawm kom tau txais cov nyiaj pab kev poob hauj lwm. Yog tias koj tsis kam lees kev pom zoo ntawm txoj hauj lwm uas phim rau koj txoj hauj lwm los sis keeb kwm qhia tus kheej fab kev kawm, tej zaum koj yuav tsis muaj cai tau txais rau cov nyiaj pab no.

LUS NUG 5: Puas yog koj pib koom nrog tej hom tsev kawm ntawv los sis kev cob qhia?

Teb tias "Yog" Yog tias:	Koj tau pib koom nrog lub tsev kawm ntawv los sis kev cob qhia nyob rau lub vij no. Tsuas yog teb tias "yog" yog tias koj pib ncua kawm tshiab los sis ib chav kawm tshiab nyob rau ncua sij hawm lub vij no.
Teb tias "Tsis Yog" Yog tias:	Koj tsis tau pib koom nrog tej hom tsev kawm ntawv los sis kev cob qhia nyob rau lub vij no. Teb tias "tsis yog" yog tias koj tsis pib ncua sij hawm kawm tshiab los sis chav kawm tshiab nyob rau ncua sij hawm lub vij no los sis tab tom kawm los sis cob qhia txuas mus ntxiv uas koj tau tshaj tawm yav dhau los thaum tau pib ncua kawm los sis chav kawm.
Cov ntaub ntawv qhia meej:	<ul style="list-style-type: none"> Tshaj tawm rau lub tsev kawm ntawv los sis kev cob qhia nyob rau ncua sij hawm lub vij uas koj tau pib koom nrog. Tau them cov nyiaj pab thaum koj tuaj yeem lees txais tau txoj hauj lwm, yam tsis quav ntsej txog tias seb koj yuav koom nrog lub tsev kawm ntawv los sis kev cob qhia los sis tsis koom nrog los xij. Piv txwv txog txoj hauv kev tshaj tawm rau lub tsev kawm ntawv los sis kev cob qhia, mus saib Daim Ntawv rau Kev Pob Hauj Lwm (edd.ca.gov/unemployment).

Teb tias "Yog" Yog Tias Koj Tab Tom Siv:	UI Online SM thiab tej cov txuas mus no uas muaj: <ul style="list-style-type: none"> Koj tau ua hauj lwm. Koj khwv tau nyiaj ntawm txoj hauj lwm uas tau ua*. koj tau ua hauj lwm thiab tau txais tej hom nyiaj khwv tau los*. Koj khwv tau nyiaj los ntawm txoj hauj lwm uas tau ua* thiab tau txais tej hom nyiaj khwv tau los*. 	Daim Foos Ntaww Thov Txuas Mus Ntxiv ua daim ntaww thiab tej cov txuas mus no uas muaj: <ul style="list-style-type: none"> Koj tau ua hauj lwm. Koj khwv tau nyiaj ntawm txoj hauj lwm uas tau ua*. Koj tau txais tej hom nyiaj khwv tau los*. Ntaus nkag cov ntaub ntaww rau cov khoom 6a thiab 6b.
Teb tias "Tsis Yog" Yog Tias Koj Tab Tom Siv:	UI Online SM thiab tej cov txuas mus no uas muaj: <ul style="list-style-type: none"> Koj tsis ua hauj lwm. Koj khwv tsis tau nyiaj los ntawm txoj hauj lwm uas ua* Koj tsis ua hauj lwm, tab sis koj tau txais tej hom nyiaj khwv tau los*. Thaum koj teb tias "tsis yog," koj yuav tau txais lwm ntu txhawm rau ntaus nkag lwm hom nyiaj khwv tau los UI OnlineSM. 	Daim Foos Ntaww Thov Txuas Mus Ntxiv ua daim ntaww thiab TAG NRHO cov txuas mus no uas muaj: <ul style="list-style-type: none"> Koj tsis ua hauj lwm. Koj khwv tsis tau nyiaj los ntawm txoj hauj lwm uas ua. Koj tsis tau txais tej hom nyiaj khwv tau los. Tsis ntaus nkag cov ntaub ntaww nyob rau hauv qhov khoom 6a los sis 6b.
Cov ntaub ntaww qhia meej:	<ul style="list-style-type: none"> Koj yuav tsum tshaj tawm txhua txoj hauj lwm thiab cov nyiaj khwv tau los (nyiaj los ntawm txoj hauj lwm uas ua thiab lwm hom nyiaj khwv tau los), tab txawm tias koj tsis tau txais kev them nyiaj los ntawm txoj hauj lwm los xij. *Qhov nyiaj los ntawm txoj hauj lwm uas ua: suav nrog cov nyiaj khwv tau los li ib txwm, Cov Kev Pab Cuam Txhawb Nqa Hauv Tsev, cov nyiaj dej siab, cov nyiaj ua hauj lwm, nyiaj them rau tub rog, nyiaj them rau kev ua hauj lwm uas yus ua yus los sis nyiaj them rau txoj hauj lwm raws ntaww cog lus uas muaj kev ywj pheej, cov plusas noj thiab chaw so uas tau muab txhawm rau sib pauv rau txoj hauj lwm, cov nyiaj pab, nyiaj them rau tub ceev xwm ntawm lub tuam txhab thiab lub koom haum, them tus nqi se, thiab cov nqi khoom. *Lwm hom nyiaj khwv tau los: suav nrog cov nyiaj laus, qhov nyiaj seem, cov nqi kev tswj hwm, nyiaj tawm hauj lwm, nyiaj hnub so, nyiaj pab txiav txim, nyiaj so muaj mob, nyiaj hnub so, cov neeg ua hauj lwm li nyiaj pab, nyiaj dej siab, khoom plig them nyiaj rov qab, cov nqi ua pov thawj tim nkawv, kev sib faib nyiaj paj tshaj, cov nyiaj yuav cai, cov nyiaj pab kev tawm tsam, thiab lwm cov nyiaj ntxiv . 	

LUS NUG 6, QHOV KHOOM 6A: Ntaus nkag cov nyiaj khwv tau los ua ntej cov lus qhia ntawm nov.

Cov lus qhia:

- Cov Nyiaj Khwv Tau Los Ua Ntej Txiav Se:** Tshaj tawm cov nyiaj khwv tau los ua ntej txiav se (txhua qhov nyiaj thiab nyiaj khwv tau los uas khwv tau ua ntej txiav se los sis lwm cov lus qhia). Yog tias tsis paub txog koj cov nyiaj khwv tau ua ntej txiav se, ces txuas lus rau koj tus tswv hauj lwm.
- Tshaj tawm txj hnub Sunday txog Saturday:** Koj yuav tsum tshaj tawm koj txoj hauj lwm thiab nyiaj khwv tau los raws li hnub tim pib hnub Sunday thiab hnub tim xaus hnub Saturday ntawm daim foos ntaww pov thawj. Yog tias koj lub vij them nyiaj hli tsis yog hnub Sunday txog Saturday, ces peb yuav qhia kom koj khaws cov ntaub ntaww sau tseg ntawm txoj hauj lwm thiab qhov nyiaj uas khwv tau rau txhua tej hnub txhawm rau tshaj tawm txoj hauj lwm thiab cov nyiaj khwv tau los kom raug.
- Xam Cov Nyiaj Khwv Tau Los:** Koj yuav tsum tshaj tawm koj cov nyiaj khwv tau los ua ntej txiav se ua ntej tej cov kev txiav tawm. Nyob rau hauv cov xwm txheej feem ntau, koj tuaj yeem xam koj cov nyiaj ua hauj lwm xam tag nrho los ntawm kev muab sib npaug cov teev uas ua hauj lwm rau koj qhov nyiaj ua hauj lwm raws teev sij hawm. Piv txwv, Yog tias koj ua hauj lwm 10 teev txij ncua sij hawm hnub Sunday mus txog Saturday nyob rau hauv Daim Foos Ntaww Thov Txuas Mus Ntxiv thiab yog tau txais kev them \$16 rau ib teev, koj cov nyiaj ua hauj lwm uas yuav tsum tshaj tawm yuav yog li \$160. Tshaj tawm koj cov nyiaj ua hauj lwm nyob rau ncua sij hawm lub vij tseeb thaum koj ua txoj hauj lwm thiab tau txais cov nyiaj ua hauj lwm — tsis yog thaum koj tau txais koj qhov nyiaj them.
- Muaj Ntau Tshaj Ib Tug Tswv Hauj Lwm:** Yog tias koj tau ua hauj lwm rau ntau tshaj ib tug tswv hauj lwm, ces sib xyaw cov nyiaj khwv tau los los ntawm txhua tej tug tswv hauj lwm txhawm rau muab cov nyiaj khwv tau los xam tag nrho. Piv txwv, yog tias koj ua hauj lwm 10 teev rau Lub Tuam Txhab ABC ntawm \$16 rau ib teev thiab 12 teev rau Lub Tuam Txhab XYZ ntawm \$16 rau ib teev txij ncua sij hawm hnub Sunday txog Saturday nyob rau hauv koj Daim Foos Ntaww Thov Uas Tau ua Txuas Mus Ntxiv, koj cov nyiaj ua hauj lwm xam tag nrho uas yuav tsum tau tshaj tawm yuav yog li \$352.
- Cov Nyiaj Khwv Tau Los Tshaj \$999.99:** Yog tias koj cov nyiaj khwv tau los yog \$1,000.00 los sis ntau tshaj ntawd, ntaus nkag \$999.99 nyob rau hauv cov npov rau cov nyiaj khwv tau los.
- Ua Hauj Lwm Nyob Rau Lub Sij Hawm Sab Nrauv los sis Puv Sij Hawm:** Yog tias koj ua hauj lwm nyob rau lub sij hawm sab nrauv, ces tej zaum koj yuav tuaj yeem tau txais cov nyiaj pab kev poob hauj lwm uas tau xto tab txawm tias koj cov nyiaj khwv tau los siab tshaj koj qhov nyiaj pab ib vij ib zaug lawm los xij. Peb yuav xam qhov nyiaj txhawm rau tuo los ntawm koj qhov nyiaj pab ib vij ib zaug thiab koj yuav tau txais kev them sib txawv, yog tias muaj. Yog tias peb txiav txim tias koj tau txais nyiaj ntau dhau lawm uas yuav them rau cov nyiaj pab los sis koj rov qab mus ua hauj lwm puv sij hawm, tag ntawd ces tej zaum koj daim ntaww thov kev poob hauj lwm yuav sij tuaj yeem sij tau. Peb yuav ceeb toom qhia rau koj paub tias koj yuav tau txais qhov nyiaj ntau dhau, thiab koj yuav tsis tau txais daim ntaww pov thawj nyob rau cov vij tom ntej. Yog tias koj xav lees paub cov nyiaj pab dua ib zaug ntxiv, ces koj yuav tsum rov qhib koj daim ntaww thov dua ib zaug ntxiv. Saib nplooj 6 rau cov ntaub ntaww hais txog kev rov qhib koj daim ntaww thov dua.
- Tshaj Tawm Cov Yuam Kev rau EDD:** Yog tias koj tshaj tawm yuam kev koj cov nyiaj khwv tau los, ces txuas lus rau peb kiag tam sim ntawd.

Cov lus qhia:

Koj yuav tsum tshaj tawm cov ntaub ntawv tus tswv hauj lwm los sis lub chaw khwv nyiaj raws li hnub tim pib hnub Sunday thiab hnub tim xaus hnub Saturday ntawm daim foos ntawv pov thawj.

- **Hnub Tim Uas Tau Ua Hauj Lwm Zaum Kawg:** Ntaus nkag hnub tim uas tau ua hauj lwm zaum kawg. Yog tias koj tau ua hauj lwm rau ntau tshaj ib tug tswv hauj lwm nyob rau ncua sij hawm tib lub vij, ntaus nkag hnub kawg uas koj tuaj ua hauj lwm nyob rau ncua sij hawm lub vij ntawd thiab lub npe thiab qhov chaw nyob ntawm tus tswv hauj lwm kawg uas koj tuaj ua hauj lwm rau nyob rau ncua sij hawm lub vij ntawd.
- **Cov Teev Ua Hauj Lwm Xam Tag Nrho:** Ntaus nkag cov teev ua hauj lwm xam tag nrho. Sib txuas ua ke cov teev ua hauj lwm los ntawm tus tswv hauj lwm txhawm rau muab cov teev ua hauj lwm xam tag nrho nyob rau hauv tib lub vij. Piv txww, Yog tias koj ua hauj lwm 10 teev rau Lub Tuam Txhab ABC thiab 12 teev rau Lub Tuam Txhab XYZ nyob rau ncua sij hawm lub vij no, tshaj tawm 22 teev ua hauj lwm xam tag nrho nyob rau lub vij no. Yog tias koj tsis ua hauj lwm, ces tseg lub npov no khoob cia.
- **Tus Tswv Hauj Lwm Lub Npe thiab Qhov Chaw Nyob Xa Ntawv:** Ntaus nkag koj tus tswv hauj lwm cov ntaub ntawv los sis lub chaw khwv nyiaj (uas koj tau txais nyiaj khwv tau los-los ntawm).
- **Lub Laj Thawj Uas Yuav Tsum Ua Hauj Lwm Txuas Mus Ntxiv:** Yog tias koj tau txais nyiaj ua hauj lwm los ntawm tkoj hauj lwm uas ua thiab yuav tsis ua hauj lwm txuas mus ntxiv, ntaus nkag lub laj thawj uas koj yuav tsis ua hauj lwm txuas mus ntxiv. Yog tias koj tau txais cov nyiaj ua hauj lwm thiab tseem ua hauj lwm, ntaus nkag “tseem ua hauj lwm.” Yog tias koj tau txais lwm hom nyiaj khwv tau los, tab sis tsis ua hauj lwm, ntaus nkag hom nyiaj khwv tau los uas koj tau txais (xws li, nyiaj tawm hauj lwm, nyiaj them rau neeg ua hauj lwm thaum raug ntib tawm, cov nyiaj pab kev tawm tsam, thiab lwm cov nyiaj ntxiv).
- **Cov Ntaub Ntawv Kev Paub Ntxiv:** Rau cov ntaub ntawv kev paub ntxiv thiab cov piv txww hauv kev tshaj tawm cov nyiaj nqi hauj lwm, mus saib Daim Ntawv rau Kev Poob Hauj Lwm (edd.ca.gov/unemployment).

LUS NUG 7: Se nyiaj khwv tau los ntawm tsoom fvw.

Cov lus qhia:

Cov nyiaj pab kev poob hauj lwm yog cov nyiaj khwv tau los uas tuaj yeem them se thiab yuav tsum tshaj tawm nyob rau hauv koj daim ntawv xa se rov qab rau tsoom fvw. (Rau cov ntaub ntawv kev paub ntxiv, koj tsim nyog txuas lus rau Lub Chaw Pab Cuam Nyiaj Khwv Tau Los Sab Hauv los sis koj tus kws pab tswv yim fab nyiaj se.) Koj tuaj yeem xaiv rho tawm qhov se nyiaj khwv tau los rau tsoom fvw los ntawm koj cov nyiaj pab kev poob hauj lwm. Yog tias koj xav rho cov se nyiaj khwv tau los rau tsoom fvw rau cov vij, kos cim rau lub npov nyob rau hauv UI OnlineSM los sis daim foos ua daim ntawv, los sis teb tias “yog” nyob rau hauv EDD Tele-CertSM. Ces tseg lub npov no khoob cia nyob rau hauv UI OnlineSM los sis daim foos ua daim ntawv, los sis teb tias “tsis yog” nyob rau hauv EDD Tele-CertSM yog tias koj tsis xav rho tawm cov se nyiaj khwv tau los rau tsoom fvw.

LUS NUG 8: Hloov pauv qhov chaw nyob xa ntawv los sis tus xov tooj.

Cov lus qhia:

Tej zaum koj yuav siv UI OnlineSM los sis daim foos ntawv pov thawj ua daim ntawv txhawm rau hloov pauv koj cov chaw nyob xa ntawv los sis tus nab npawb xov tooj nrog rau peb. Txoj hauv kev hloov pauv koj qhov chaw nyob xa ntawv los sis tus nab npawb xov tooj ceev tshaj plaws yog los ntawm UI OnlineSM (edd.ca.gov/UI_Online). Tej zaum koj yuav hloov kho tshiab koj qhov chaw nyob xa ntawv los sis tus nab npawb xov tooj los ntawm UI OnlineSM thaum twg los tau. Yog tias koj lees paub uas siv daim foos ua daim ntawv, kos cim rau lub npov thiab ua kom tiav cov ntaub ntawv nyob rau hauv sab nraub qaum ntawm daim foos.

➲ Tau Txais Cov Kev Them Nyiaj Pab

Koj yuav tsum ua hauj lwm ib-vij, tsis them nyiaj, tos ncua sij hawm uas ua koj daim ntawv thov nyiaj ua ntej koj tau txais kev them cov nyiaj pab kev poob hauj lwm. Tuaj yeem siv ncua sij hawm kev tos yog tias koj paub tias yuav tau cov nyiaj pab thiab muaj raug raws li txhua cov cai teeb tseg rau kev muaj cai tau txais rau lub vij ntawd. Raws li ib txwm lawm koj thawj daim ntawv pov thawj yuav suav nrog ncua sij hawm kev tos ib vij, tsis tau txais kev them, thiab kev them nyiaj ib vij yog tias koj muaj raug raws li cov cai teeb tseg rau kev muaj cai tau txais rau ob lub vij tib si. Lees paub rau cov nyiaj pab txhua ob vij txhawm kom tau txais cov kev them nyiaj ntawd txuas mus ntxiv.

Koj muaj hauv kev xav nyob rau hauv tkoj hauv kev uas koj tau txais koj cov kev them nyiaj pab. Peb tawm cov kev them nyiaj pab los ntawm daim npav des npiv uas tau them ua ntej los sis los ntawm daim tshev. Daim npav des npiv yog tkoj hauv kev tau txais koj cov nyiaj pab ceev tshaj plaws thiab muaj kev nyab xeeb tshaj plaws. Txawm li cas los xij, koj tsis tas lees txais daim npav des npiv no los tau. Thaum tau xa koj daim ntawv thov lawm, ces txuas lus rau peb yog tias koj xav kom tau txais koj cov nyiaj pab los ntawm daim tshev ua daim ntawy.

Yog tias ua ntej no koj tau tawm daim npav rau kev poob hauj lwm ua ntej, kev xiam oob qhab, los sis Cov Nyiaj Pab Kev So Nyob Nrog Tsev Neeg Uas Tau Txais Kev Them Nyiaj (PFL) thiab xav tau ib daim npav hloov pauv, koj yuav txuas lus rau Nev Vawj Nyiaj (Money Network) tus xov tooj hu ceev txog kev pab cuam tub lag luam ntawm tus xov tooj hu dawb ntawm 1-800-684-7051 los sis 1-800- 684-7053 (TTY).

➲ Kev Thim los sis Kev Xaus Koj Daim Ntawv Thov

Tej zaum ko yuav thim koj daim ntawv thov kev poob hauj lwm yog tias koj daim ntawv thov tsis tau raug xaus, Daim Ntawv Ceeb Toom Txog Kev Txiat Txim, (DE 1080), tsis tau raug xa, tsis tau txais kev them cov nyiaj pab, tsis tau teeb qhov kev them nyiaj tshaj nyob rau hauv daim ntawv thov. Yog tias koj daim ntawv thov raug thim, koj tuaj yeem xa daim ntawv thov kev poob hauj lwm tshiab nyob rau lub sij hawm tuaj tom qab. Yog tias koj xav thim koj daim ntawv thov, ces txuas lus rau peb kiag tam sim ntawd. Koj tsis tuaj yeem thim daim ntawv thov tom qab koj tau txheeb sau cov nyiaj pab kev poob hauj lwm, thiab koj tsis tuaj yeem xa ib daim ntawv thov kev poob hauj lwm tshiab kom txog thaum xaus koj daim ntawv thov tam sim no. Yog tias koj rov qab mus ua hauj lwm los sis tsis xav tau cov nyiaj pab txuas mus ntxiv, ces tsuas xaus kev lees paub. Koj tuaj yeem rov qhib koj daim ntawv thov nyob rau yav tom ntej yog tias tseem muaj cov nyiaj pab thiab koj daim ntawv thov yuav tsis raug xaus.

➲ Rov Qhib Koj Daim Ntawv Thov

Yog tias koj xaus kev tau txais cov nyiaj pab thiab tam sim no yuav tsum lees paub dua ib zaug ntxiv, tsis rov qhib koj daim ntawv thov qeeb. Tej zaum koj yuav thov qhib koj daim ntawv thov los ntawm UI OnlineSM, los ntawm xov tooj, los sis los ntawm fev. Tkoj hauv kev rov qhib daim ntawv thov ceev tshaj plaws yog los ntawm UI OnlineSM (edd.ca.gov/UI_Online).

➲ Kev Tiv Thaiiv Kev Dag Ntxias Nyiaj Pab

Tej tug neeg thov uas muab cov ntaub ntawv cuav los sis thim cov ntaub ntawv txhawm kom tau txais cov nyiaj pab uas yuav tau txais kev soj ntsuam kev plua rau qhov tsis tsim nyog rau daim ntawv qhia cuav uas tsis kam lees cov nyiaj pab txij li 2 mus txog 23 vij. Dhau li ntawd lawm, yog tias tsis neeg thov tau txais kev soj ntsuam qhov kev them nyiaj tshaj, kev plua nyiaj txiag 30 feem pua yuav raug ntxiv rau qhov nyiaj uas tau them tshaj.

Dhau li ntawd lawm peb yuav ua cov kev foob rau tej tug neeg thov uas ua kev dag ntxias txhawm kom tau txais cov nyiaj pab yam uas txhaum cai. Cov nqi no yuav tuaj yeem tsim ua rau muaj cov nqi plua txhab ntxiv, nyiaj paj, thiab raug kaw hauv lub tsev kaw neeg ntxiv. Peb ua cov kev kuaj nyiaj pab los ntawm cov ntaub ntawv tus tswv hauj lwm txog kev siv thoob plaws uas muaj cov ntaub ntawv thov txhawm rau lees paub tus neeg thov uas ua hauj lwm thiab tsis tshaj tawm cov nyiaj khvw tau los. Yog tias koj xav tias muaj kev dag ntxias kev poob hauj lwm, ces koj tuaj yeem tshaj tawm los ntawm kev hu rau Tus Xov Tooj Hu Ceev Txog Kev Dag Ntxias (Fraud Hotline) ntawm 1-800-229-6297 los sis hauv oos lais los ntawm kev siv Txuas Lus EDD (edd.ca.gov).

➲ Cov Foos thiab Cov Ntawv Ceeb Toom Uas Koj Yuav Tau Txais

Tom qab kev xa daim ntawv thov UI, koj yuav tau txais cov ntawv ceeb toom thiab cov foos txuas mus no nyob rau hauv kev xa ntawv:

- *Xa Daim Ntawv Thov Kev Tuav Pov Hwm Kev Poob Hauj Lwm*, (DE 1101 CLMT): Daim ntawv no suav nrog cov ntaub ntawv uas koj muab thaum koj xa daim ntawv thov kev poob hauj lwm. Yog tias koj muaj tej cov ntaub ntawv tsis raug, ces txuas lus rau peb nyob rau hauv 10 hnub tom qab hnub tim xa daim ntawv thov.
- *Daim Ntawv Ceeb Toom Txog Khoom Plig Kev Tuav Pov Hwm Kev Poob Hauj Lwm*, (DE 429Z): Daim ntawv ceeb toom no suav nrog cov ntaub ntawv hais txog koj daim ntawv thov uas suav nrog qhov nyiaj pab qis tshaj plaws uas muaj rau koj thiab koj qhov nyiaj pab ib vij ib zaug (qhov nyiaj uas koj yuav tau txais nyob rau txhua tej lub vij ua ntej cov kev txiav tawm yog tias koj muaj cai tau txais cov nyiaj pab). Lub kem ntawv nyob hauv qab ntawm daim ntawv ceeb toom suav nrog txhua cov nyiaj nqi ua hauj lwm uas koj tau txais nyob rau hauv ncua sij hawm theem pib uas siv los tsim koj daim ntawv thov. Yog tias koj ntseeg tias cov nyiaj nqi ua hauj lwm qhia pom tias tsis raug, ces txuas lus rau peb nyob rau hauv 30 hnub tom qab hnub tim xa daim ntawv ceeb toom.
- *Daim Foos Ntawv Thov Txuas Mus Ntxiv*, (DE 458)1: Koj yuav tau txais daim foos no txhawm rau txheeb xyuas rau cov nyiaj pab. Hloov kev xa daim foos no, tej zaum koj yuav lees paub hauv oos lais uas siv UI OnlineSM los ntawm xov tooj uas siv EDD Tele-CertSM. Txoj hauv kev lees paub uas ceev tshaj plaws, yooj yim thiab muaj kev ruaj ntseg yog los ntawm UI OnlineSM (edd.ca.gov/UI_Online).
- *Daim Ntawv Ceeb Toom Txog Txoj Cai Teeb Tseg Rau Kev Tso Npe Ua Hauj Lwm*, (DE 8405): Daim ntawv ceeb toom no qhia rau koj tias koj yuav tsum ntaus nkag thiab khaws cov ntawv qhia keeb kwm cia rau hauv CalJOBSSM yuav tsum tau txais kev them cov nyiaj pab kev poob hauj lwm. CalJOBSSM yog lub chaw ua hauj lwm hauv oos lais cuag li yog tiag saib raws li Hauv Is Taws Nem uas pab kom koj tuaj yeem nkag tau mus rau hauv cov npe thiab cov cuab yeej txhiab pua txoj hauj lwm txhawm rau pab koj tswj koj txoj hauj lwm. Mus saib CalJOBS (caljobs.ca.gov) txhawm rau tso npe hnub no thiab muaj raug raws li cov cai teeb tseg rau lub khoos kas..
- *Lub Tuam Tsev Hauj Lwm Txog Kev Tsim Kho Kev Ua Hauj Lwm (Employment Development Department, EDD) Tus Nab Npawb As Khauj Tub Lag Luam*, (DE 5614): Daim ntawv ceeb toom no muab cov ntaub ntawv tseem ceeb rau koj, yuav tsum siv tus nab npawb uas tau muab cob Yam uas yog khwv yees 10 tus dis cis tauj thaum tso npe rau UI OnlineSM. Tus Nab Npawb As Khauj Tub Lag Luam yog kev tiv thaiv txhab ntxiv txhawm rau pov thaiv koj li kev qhia tus kheeji thiab tiv thaiv thiab kuaj kev dag ntxiv.

Tej zaum koj yuav tau txais lwm cov foos thiab cov ntawv ceeb toom ntau tshaj li ib qho uas teev tseg saum toj no yog tias muaj tej cov teeb meem nrog koj daim ntawv thov, yog tias koj tau teem caij rau kev xam phaj hauv xov tooj txog kev txiav txim kev muaj cai tau txais nrog peb, los sis yog tias peb xav tau cov ntaub ntawv kev paub ntxiv txhawm rau lees paub koj qhov kev txheeb xyuas tus kheeji.

Kev Tau Txais Cov Kev Pab Cuam Kev Ua Hauj Lwm thiab Kev Cob Qhia

Muaj cov kev pab cuam kev ua hauj lwm thiab kev cob qhia los ntawm Meskas Cov Chaw Ua Hauj Lwm ntawm CaliforniaSM (AJCC). Mus saib www.edd.ca.gov/Office_Locator to find a location near you.

Cov Nyiaj Pab Kev Cob Qhia Ntawm Xeev California

Cov Nyiaj Pab Kev Cob Qhia Ntawm Xeev California (California Training Benefits, CTB) pab kom cov neeg thov uas muaj cai tau txais lawy qhov kev kawm ntxiv, hloov kho tshiab lawv cov kev txawj, thiab kawm paub txog ib txoj lag luam tshiab thaum uas tau txais cov nyiaj pab rau kev poob hauj lwm. Rau cov ntaub ntawv kev paub ntxiv uas suav nrog kev muaj cai thiab txoj hauv kev thov, mus saib CTB (edd.ca.gov/CTB).

Ntaub ntawv kev paub ntxiv

Mus saib Daim Ntawv Rau Kev Poob Hauj Lwm (edd.ca.gov/unemployment) txhawm kom tau txais cov ntaub ntawv kev paub ntxiv hais txog lub khoos kas kev poob hauj lwm thiab lwm cov ntaub ntawv ceeb toom uas tej zaum koj yuav tau txais. Rau cov ntaub ntawv kev paub uas tau qhia meej tseeb ntxiv hais txog koj cov kev muaj cai thiab cov luag hauj lwm nrog rau cov nyiaj pab kev poob hauj lwm thiab cov ntaub ntawv hais txog cov khoos kas tshwj xeeb los sis cov kev pab cuam txoj hauj lwm, nyeem Phau Ntawv Qhia Siv rau Cov Nyiaj Pab thiab Cov Kev Pab Cuam Kev Ua Hauj Lwm, (DE 1275A). Tej zaum koj yuav saib los sis txib yuav phau ntawv qhia siv hauv oos lais los ntawm kev mus saib Cov Foos (forms.edd.ca.gov/forms). Xaiv **Tus Qauv Cai Kev Tshawb Nrhiav** "Cov Lo Lus Tseem Ceeb los sis Tus Nab Npawb Daim Foos," ntaus nkag **Tus Nab Npawb Daim Foos** "DE 1275A" nyob rau hauv lub npov Tus Nrhiav Daim Foos thiab xaiv lub pob Xiaiv.

Txuas Lus Rau Peb

Yog tias koj muaj qhov lus nug uas tsis tau hais nyob rau hauv peb lub vev xaib thiab xav tau cov ntaub ntawv kev paub los sis kev pab txhawb ntxiv, siv UI OnlineSM. Nws muaj 24 teev rau ib hnub, 7 hnub rau ib vij. Nws yog ib txoj hauv kev uas muaj kev ruaj ntseg thiab tsis pub lwm tus paub txhawm rau nug cov lus nug thiab tau txais cov ntaub ntawv kev paub ntxiv. Mus saib UI OnlineSM (edd.ca.gov/UI_Online) thiab tso npe los xa cov ntawv xa xov hauv oos lais.



Kev Pab Cuam Tus Kheej Txog Kev Poob

Hauj Lwm

Tus Xov Tooj Hu

Muaj 24 Teev Rau Ib Hnub,

7 Hnub Rau Ib Vjj

Lus Askiv thiab Lus Xab Pes Niv

1-866-333-4606

XEEV CALIFORNIA

LUB KOOM HAUM TSIM KHO CHAW UA HAUJ LWM THIAB CHAW UA HAUJ LWM

LUB TUAM TSEV HAUJ LWM TXOG KEV TSIM KHO KEV UA HAUJ LWM

EDD muaj cov neeg sawv cev uas tuaj yeem pab txhawb koj nyob rau hauv lwm hom lus. Yog tias koj xav tau kev pab txhawb thiab yuav xav sib tham nrog tus sawv cev ntawm EDD ua lwm hom lus ces thov hu rau ib ntawm cov nab npawb kev pab cuam tub lag luam thiab thov tus kws txhais lus ua hom lus uas koj nyiam siv.

EDD yog tus tswv hauj lwm/lub khoos kas uas muaj vaj huam sib luag. Muaj cov kev pab thiab cov kev pab cuam pab txhawb raws li qhov thov tuaj rau cov neeg uas muaj cov kev xiam oob qhab. Cov kev thov rau cov kev pab cuam, cov kev pab, thiab/los sis lwm cov foos yuav tsum ua los ntawm kev hu rau cov nab npawb uas teev tseg hauv qab no.

Kev Pab Cuam Tub Lag Luam Txog Kev

Poob Hauj Lwm

Muaj 8 teev sawv ntxov txog 5 teev tsaus
ntuuj, hnub Monday txog Friday

Lus Askiv thiab 1-800-300-5616

Lus Xab Pes Niv

Lus Khas Toos Nis 1-800-547-3506

Lus Mas Das Lis 1-866-303-0706

Lus Nyab Laj 1-800-547-2058

TTY 1-800-815-9387